



## Kommuneqarfik Sermersooq- mi suliniut meeqqanut 3 – 8- nik ukiulinnut sammisoq.

### ”Kammagiitta – Fri for Mobberi” suliniut pillugu naatsumik:

Mary Fonden aamma Red Barnet Danmark-imi aamma Kommuneqarfik Sermersooq suleqatigiinnikkut suliniut pillugu 2009-mi isumaqatigiissusiorsimapput, aamma soorlu taamaattoq allani kommunini, KANUKOKA-mi, Ilinniartitaanermut Ilisimatusarnermullu Pisortaqarfimmi peqataaffigineqartumik.

Kalaallit Nunaat tamakkerlugu peqataaffigineqartumik ukioq ataaseq misileraalluni suliniut ingerlanneqarsimavoq, maannakuullu kommunini tamani atuuttussanngortitaalluni aallartilluni. Suliniut kommunini 2012-mi nammineq ingelalertussaasutut isumaqatigiissutaavoq.

Tasiilami, Nuummi aamma Qeqertarsuatsiaani meeqqerivinni perorsaasut aamma atuarfiit 1.-2.-3. klassiini ilinniartitsisut suliniummik ”Kammagiitta – Fri for Mobberi”-mi ingerlatsinermi sungiusaasartut katillutik 67 oktober, november amma december-ip ingerlanerani ullormik ataatsimik sivisussusilimmik pikkorissarneqarlutik naammassipput.

Tamatumalu kingunerissavaa aamma Paamiuni nunaqarfinnilu tamani ukiup nutaap aallartinnerani pikkorissarnissamik ingerlatsivigineqassammata. Anguniarneqarpoq meeqqeriviit atuarfiillu tamarmik meeqqat 3-8-nik ukiullit suliniummik 2012-miit ingerlatsivigissagaat.

Ukiup ataatsip 2009-2010-p ingerlanerani misiligaalluni suliniutip ingerlanneqarnerani peqataapput misilittaqarlualereerlutillu Qeqertarsuatsiaani meeqqerivik Amauligaq aamma Nuummi atuarfimmi USK-mi 1.-2.-3. klassini atuartut.

Meeqqanut suliniut pitsaasoq, oqariartuut unaasoq:  
”Kissaatiginngisamik kisimiittoqassanngilaq”

Suliniutip takorluugaa unaavoq:

Kalaallit Nunaanni meeqqat akornanni inuummarinneq aamma toqqissisimaneq pitsaanerusoq atugaassasoq, tassani pingaartitanut tunngavigalugit:

**Akaarinnittuuneq, Ataqqinninneq, Isumassuilluarneq, Toqqissisimaneq, Sapiissuseqarneq taavalu Ikinngutaalluarneq.**

Suliniut nalimmassarneqarsimavoq aammalu naapertuulluarluni ikorfartuillunilu Meeqqerivitsialaap aamma Atuarfitsialaap anguniagaanut.

Meeqqanik 3-niit 8-nut ukiulinnik sullitaqartut ”Kammagiitta – Fri for Mobberi” mi atortussaminnik Kuffertimik ulikkaartumik pissarsipput. Anguniagaq atortullu piviusorsioortumik ulluinnarni meeqqat oqaloqatigineranni ammalu meeqqat akunnerminni iliusaannut pitsaasunut, inersimasut akornanni annertuumik iluaqutaasaaq.